



PREZIDÉNSIA KONSELLU MINISTRUS

V GOVERNUN KONSTITUSIONÁL



DÍLI, LORON 29 FULAN JULLU TINAN 2013

KOMUNIKADU IMPRENSA

Sorumutu Estradordináriu Konsellu Ministru nian iha loron 29 fulan Jullu tinan 2013

Governu Konstitusionál V hala'o sorumutu estradordináriu iha loron sekunda ne'e, loron 29 fulan Jullu tinan 2013, iha sala sorumutu Konsellu Ministru nian, Palásiu Governu, iha Dili no aprova ona:

1. Renovasaun Kontratu Fornesimentu *Diesel* ba Sentráel Elétrika sira

Konsellu Ministru aprova ona renovasaun kontratu forneseimentu *diesel* ba sentráel elétrika sira ho empreza ETO (Esperança Timor-Oan), to'o fulan Janeiru tinan 2014, no Ministériu Obras Públikas mak hanesan responsável hodi prepara, to'o fulan Setembru tinan 2013, konkursu internasionál ida ba forneseimentu tuir mai.

Konsellu Ministru halo mós análise kona-ba:

1. Apresentasaun projetu "Timor-Leste, Indonézia no Teritóriu Norte Austrália nian - Dezenvolvimentu Ekonómiku Rejionál Integradu"

Haree ba potencialidade Dezenvolvimentu Ekonómiku Rejionál Integradu Timor-Leste nian ida ho Indonézia, eis-Ministru Ekonomia no Dezenvolvimentu Governu Konstitusionál IV nian, João Gonçalves, apresenta ba Konsellu Ministru iniciativa ida kona-ba projetu ne'ebé promove no fornese apoiu jurídiku no institusionál. Ministru Territóriu Norte Austrália nian sira hatudu ona sira nia vontade atu partisipa nafatin iha iniciativa ne'e.

Projetu ne'e hatuur liuliu iha tipu ligasaun tolu: física, institusionál no interkomunitária. Área hirak ne'ebé tama iha ligasaun física nian sira mak área transporte, informasaun no teknolojia komunikaun no enerjia nian. Liberalizasaun Komérsiu, servisu no investimentu, rekoñesimentu husi parte sira kona-ba akordu, akordu rejionál sira kona-ba transporte, prosedimentu hirak kona-ba fronteira sira no programa



Palácio do Governo,
Avenida Presidente Nicolau Lobato,
Dili, Timor-Leste

dddigovtl.09@gmail.com
(+670) 22 210 608

ba kapasitasaun nian halo parte ba ligasaun institusionál nian sira. Ligasaun entre komidade sira kompete ba área sira mak hanesan edukasaun, kultura no turizmu nian.



Palácio do Governo,
Avenida Presidente Nicolau Lobato,
Dili, Timor-Leste

dndigovtl.09@gmail.com
(+670) 22 210 608